

宋詩紀事補遺

宋詩紀事補遺卷之六十九

歸安陸心源伯剛父輯

莊師熊

字次公號梅莊福建寧德人端平二年進士官撫州樂安丞

金鰲橋

白鶴峯前放棹輕金鰲背上駕樓成舟移遠浦隨潮落帷捲輕風看月生他日懷人如在峴今朝飲客且登瀛幸陪讌笑闌干曲醉後不知杯幾行

寧德志

劉卞

字清叔汀州甯化人端平二年進士歷會昌尉
知瑞金縣築城建學以平洞寇功改京秩終奉
議郎見贛州府志

句

木圍三寺影川合兩江波

輿地紀勝

李伯玉

字純甫餘干人端平二年進士授觀察推官召
試館職改校書郎差知南康軍遷著作佐郎知
邵武軍湖北提刑官至禮部尚書宋史有傳著
有斛峯集

輓徐衡

胸次恢恢百萬兵，文才武畧冠羣英。
挽弓破箬狀元貌，擒寇功封使者榮。
兩尚皇姬升帝眷，一頒皂纛出神京。
追思八字君恩重，鑾駕雖無如朕行。

樂平縣志

鄭士懿

字從之，號定齋，福建寧德人。端平二年進士。
七歲能詩，讀書過目成誦。累官始興教授、通判。
婺州太學博士、知武岡軍，著有定齋集。

趙覽亭

幾年江海客，復此與筵賓。
地勝山川別，天晴草樹新。

高歌千佛駭一笑萬家春珍重梁間扁時時爲掃塵
竇德志

嚴嘉謀

福建人端平二年進士

贈醫士

脈差死活懸三指灸誤風癱廢四肢寧餌生金食野
葛有身不可試庸醫

贈鑒者川郭

川郭顛強甚平生挾術遊老猶攜侍女貧不諂公侯
用藥多投病酬錢或掉頭金陵官酒貴應典舊貂裘

朱復之

字幾仲號湛廬建安人端平中使北使展謁八
陵劉克莊詩話載摘句初夏云忽聽夏禽三五
弄新紅突過石榴枝秋日云紅蕖老去羞明鏡
推讓朱榮上蓼花蓋亦纖麗之作也

別湯伯紀

停雲思何長，伐木夢苦短。
飄搖乘風來，倏忽搏沙散。
匪今我獨黯，自昔客屢歎。
之子曷云戾，微陽逼候炭。
因山對線景，汲井共清盥。
玉露泚金莖，水泉流藻翰。
方忻桂芳襲，未覺枳栖遠。
仰天鏡其圓，一弛弓向半。
瞿堂渴吾伊，伫立了瑟僂。
子如飛鴻漸，我如禁門鍵。
天寒柳無枝，指直不得挽。
歸來翫題墨，寂寂眎雙眼。

與靜使君約遊姑山記事古風二十韻

苦熱日已遠，杪秋遂淒涼。
邦侯及清暇，小隊豫郊崗。
一麾先嶄巖，半刺驂翱翔。
卿月動左轄，客星移奉常。

誰歟南冠者其挹北斗漿翠嶂穿晨曦鎖金步流光
窮惚某氏建架構溯斯堂閭紅傾泛盞楚綠餽圓方
平原磊落人仙碑勒荒唐方平叱石起來問東海桑
蔡子狗竇過蛇蟬蛻冥茫麻姑十八九兩髻已成霜
惟餘老杉星省識鄧紫陽往事莽如迹且醉糟書房
翼亭躋齊雲游目望八荒挽河落飛瀑洒雪芙蓉裳
夕矣憺將歸一一玉帝旁蹇余雅幽尋嗜此崔嵬藏
請從浮邱生學笙翳鳳凰他年儻相思矯首空斷腸

夜飲羅懷叟三盃屬余剛制其讀孟郊詩

建子初寒月篝燈對語時獨醒蘇客酒細詠孟生詩

蠹老無新卷鳥驚有夜枝白雲路不遠明日肯重來

滕王閣

傑甚滕王閣登臨思渺然宿雲開北牖秋水盡南天
帝子今何處王童記獨傳客懷無住著浩蕩白鷗前

太平寺塵外閒題

高樹青圓不見天小風微動竹稍偏衣涵空翠元無
雨庭闕餘聲獨有蟬老去此心無所往向來我見不
須先狂吟但過寒山子薦得騰騰一味禪

謝張生見湛廬歌

劍術空疎今罷休家山何處越中甌欲談往事渾亡

是喜得新書替莫愁

晦庵贈詩有江邊艇子無莫愁之句故云

葛仙井

葛翁鑿井冽寒泉浸熟丹砂去作仙底事並煩仙子
按卻隨海水變桑田

羅懷叟思歸一詩留之

客子歸期莫有期地爐松火獨吟時西山暮雨吹成
雪錯擬楊花理釣絲

以上江湖後集

贈黃五星

寒灰枯木此心形箕斗今須落姓名卻愛酒星憑一
算麴生何日放流行

富沙舊不禁麴

贈胡易鑑

可憐擾擾鑑中人五十枯蒼了此身若欲致身須數
外何時日月得停輪

以上截江網

送礪磻石屏

削出雲岑一片奇天然玉瑩澤如脂
砥堪裴几旁邊看頗與文房輩行宜
香篆自縈黃嬾卷飛花不點墨
卿池粗官馬上今無用付與劉郎寫近詩

又

曾純

字景亮清源人端平乙未爲興寧令

遊七星巖偕趙同年作

斗宿垂精插碧空嵌巖太古石屏風自然一道玲瓏
穴誰是五丁開鑿功竇裏乳泉時點滴門前瀝水暗
流通吾儕洞目崧臺景謝屐何曾到此中

謹案詩刻在高要七星巖不著年月別有趙崇
垓曾純紀遊石刻稱端平乙未則詩亦是時作

也

廣東通志
金石畧

朱乙午

字子南端平中梓潼尉

端平乙未王正十有二日以官事宿祥雲得
五十六言

東風吹夢到遙岑
四日苔痕兩度尋
鄰望紫衣騰佛
氣岩披古像印
人心新椽插斗
營層址老衲乘
雲閒足音我爲
登山參世法只
將空洞敞嶸岑
金石苑

汪儀鳳

字翔甫號山泉歙人嘉熙丁酉漕試第一授隆
興司戶終江東撫幹有山泉類藁四十二卷程

文六卷

見墓志按咸淳臨安志治平寺嘉熙
戊戌題名新安汪儀鳳蓋賈相之客

宿平江寺

行盡江東又復西
連天汀草淡烟迷
回頭悵望家何
處雲外青山一抹低

題豐城驛

過盡長亭復短亭，修途隨處月同行。
明朝買得扁舟去，兩岸蘆花夾櫓聲。

以上新安文獻志

劉申

江西廬陵人。嘉熙元年解試進士，累官朝議大夫、寶章閣待制、潼川府路兵馬都鈐轄兼安撫使、知瀘州、知興化府、利州東路安撫使。
後村集

敘州

一川帶遶三平島，萬巘環遶兩翠巒。

輿地紀勝

鄭玠

字太玉涇陽人嘉熙初以上舍對策極言天下
事李昴英亟稱之淳祐甲辰釋褐知博羅縣事
擢太府寺丞以去

觀源洞

有序

唐時有人避地入觀源洞見石室壁刻稚川
詩云松門石逕茸芳草落花滿院香沈沈及
再觀不見其處恨不見其全章玠爲足成云
麻姑峯頭黃鶴歸稚川竈上丹霞棲寒猿嘯木山月
白正是仙人朝斗時壺天景象何靈杳松門石徑茸
芳草落花滿院香沈沈緣似劉郎應解到碧溪數聲

連暮鐘夢回已覺松窗曉

白雲庵

羅浮山頭老松樹中夜長吟送風雨病夫幽獨枕書
眠靜聽松聲默無語壁間畫像對書燈耿耿殘油下
饑鼠夢覺跣趺不成寤要伴禪和聽粥鼓

初至羅浮

長說羅浮欲到難清遊今作字民官分明蓬島三山
色占得飛雲六月寒寶軸幾函青貝葉玉蘭無口碧
琅玕此來更擬詢遺事記與靈蹤石上看

丹竈

靈跡曾傳葛稚川至今丹竈尙依然誰云碧海三山
島別是朱明一洞天龍出玉京成往事鶴歸華表是
何年塵埃多嘆空回首到得仙山自有緣

葛仙行祠

身爲俗吏趨行部手執名香祝有年五色雀飛應薦
祉七星松古自通仙

寄逍遙子

自從夫子仙山去聞說山中分外清半夜洞天松月
白野猿吟和讀書聲

茶庵

道人宴坐碧山阿，啄木敲門擬客過。
吾境本無妖魅事，日長翻有睡爲魔。

活水仍將活火煎，茶經妙處莫虛傳。
陸顛所在閑題品，未試羅浮第一泉。

粵詩
蒐逸

劉應龍

應龍字漢臣，高安人。嘉熙二年進士，歷官司農少卿，知隆興府權戶部侍郎。忤賈似道，左遷後爲青海軍節度使，辭歸隱九峯。宋史有傳。

遊五雲觀

雨絕春風和，沉栖慕遐曠。
野火開叢荆，遙岑路徑熟。

極頂如掌平羣峯四環矗人言古觀基突兀此有屋
半嶺汲餉勞躋攀怨僮僕一朝風霆怒捲落置前麓
至今五雲宮宛在平原曲年代遠莫稽兒童記樵牧
每聞風雨時鐘聲隱巖谷披尋杳無迹靈境信非俗
苔花蝕碎瓦字蹟不可讀居人傳神奇客子駭心目
振襟坐危磐闔風想晞沐轉石落懸巖砰雷震山腹
徘徊不能去登覽興未足一笑下田家題詩寄遊躅

江西
詩徵

馮夢得

字初心南劍州人嘉熙二年進士任給事中敢

死諫不避斧鉞累官禮部尚書卒贈太師

憶鄉歌四首

儂是劍南人慣識故鄉好綠葉接紅花輝映綏安道
炎夏天頗熱儂門對溪住搖蕩採蓮舟深處疑風露
塞上秋始蕭野草葉葉黃儂家有菊花灼灼不憂霜
塞北寒氣逼對火擁毳毳猶憶儂家裏蓬頭兩夾襦
南平縣志

陳淳祖

字道初温州瑞安人嘉熙二年進士知錢唐縣
以治最聞歷知南康軍撫治有功景定二年知

安吉州召爲司農少卿

勸農二首奉呈同官諸丈

勸農事云畢晴日足登山山高翠微上坐見人境閒
天目有修眉洞庭無狂瀾田疇并畫見布穀行相關
邨邨自花柳流水春風顏周行撫泉石碧匣開潺湲
尙想讀書聲猶在松樹間此事已難會沂水何時還
朗吟蘇仙語明月下前灣

迺一秋一冬愁聽鴻飛鳴及茲問春半土暖已足耕
殷勤勸父老尊酒若爲情我有一瓣香爲爾祈西成
晴光動川原桑麥日敷榮天公幸見聽一飽須可營

幾見隴畝事得此白髮生田父飲我酒歸與兒孫評

孝弟力田者家道終和平

湖州府志金石畧

過鄭司業舊居

司業問居處門前烟樹低見山懷舊隱撫壁試新題
燕語花初落蜂衙日自西一年春事畢又見子規啼

瑞安志

陳仲微

字致廣號遂初江西高安人嘉熙二年進士調
莆田縣尉攝縣事咸淳末爲吏部郎上章劾賈
似道束擔而歸乙亥除兵部侍郎修國史丙子

從二王入廣流落安南

臨歿

死爲異國他鄉鬼生是江南直諫臣

宋季三朝政要

鄭蘭

蘭貴溪人嘉熙二年進士

見江西詩徵

過桂氏湖莊

堂上一天水秋風叫白鷗地偏遊客少烟濶釣徒閒
懷古樓宜野澆蔬月在山駕言尋舊好款款到蘆灣

倪屋 厲有

鳳凰臺

鳳皇鳳皇幾千載鳳皇已去臺空在應多燕雀語畫
梁瞥見蛟龍起滄海二十年曾來游野田白鷺滴
清秋今夕何夕領賓客飯盂有飯思貔貅六朝故國
金陵道柳外閑愁仗誰埽掀髯一笑問西風未必江
山知我老

景定建
康志

劉次春

號雁山平陽人嘉熙二年進士淳祐十一年宣
教郎知溧陽縣景定三年提舉廣東常平

鳳凰臺

高臺寥寞晚雲深故國山河萬里心若使當年眞鳳

見不教春燕亦巢林

景定建康志

劉 燔

象山人嘉熙二年進士

陳山謁吳越五王分祠

海村崇祖祀吳越舊王家里老稱遺宅文孫避俗譁
王金榮帶卽俎豆薦葵菹欲補迎春曲須歌陌上花
象山文類

常 挺

字方叔號東軒連江人嘉熙二年進士官至參
知政事

賀東道

隆暑赫炎羲門弧慶左垂東君來出世西斗降臨時
二子麒麟種三孫鸞鷟兒稱觴門下士願祝壽期頤
截江網

繆烈

福安人嘉熙戊戌進士

獅子巖

幽巖蕭颯商飈起一天灝氣涼如水金井梧飛蘭谷
芳長江浪冷蓴魚美雁字半側銀鈎欹雲光淨掃光
陸離桂花巖下香滿枝隨意催送到書帷碧潭烟歛

琉璃滑素娥乘鸞下天闕清暉深射水晶宮虛明澄澈蛟龍窟上下天光一鏡浮冰輪碾破一天秋今來古往事悠悠月自升沈水自流

福安縣志

丁大全

字子萬鎮江人嘉熙二年進士宋史四百七十四奸臣傳

百丈潭

雲從百丈潭中起雨向九重天上來

羅源縣志

李春叟

字子先東莞人嘉熙二年特奏名寶祐初薦授

惠州司戶等除肇府司理遷德慶教授歸復除
軍器大監不就賜號梅外處士

送熊飛將軍赴文丞相麾下

龍泉出匣鬼神驚獵獵霜風送客程白髮垂堂千里
別赤心報國一身輕劃開雲路衝牛斗挽落天河洗
甲兵馬革裹屍真壯士陽關莫作斷腸聲

粵詩
蒐逸

陳澗

平陽人嘉熙三年與趙希譙潘枋同游鼓山之
靈源洞分韻賦詩見石刻

讀明妃引

驪山舉燼因褒姒蜀道蒙塵爲太眞能遣明妃嫁戎
口畫工元是漢忠臣

宋詩拾遺

翁合

字叔備號南山崇安人嘉熙進士咸淳中知贛
州兼江西提刑見文文山集歷官中外有聲終
侍講有丹山集

贈冲祐觀江羽人

武夷奇絕處水碧更山丹觀闢南唐趾祠仍西漢壇
山禽酣午夢野菜健晨餐道士江冲一新詩有集刊
常庵

我是曾孫孫又孫今朝始謁武夷君三英秀峙千巖
台九曲平穿兩岸分丹壑何年流絳水幔亭整日鑱
紅雲一生湖海江三白早向溪頭累石墳

武夷山志

沈平

字澹然吳興人嘉熙中居烏戍自號東臯子能
背誦後山簡齋諸詩著有東臯唱和集吳泳爲
序

題靜齋藁

斯道在人心如蚌藏圓珠散作明月光歛則止水虛

題吾何畫柳手軸

還君此畫不忍觀怕憶當年分手處

鶴林集卷三十六

杜

耒

厲有

凌敲臺

幾年聽客話凌敲不似臺邊目力遙千古江山猶昨日
六宮歌舞自前朝苔碑有字多漫滅野寺無僧轉
寂寥碧聚雙蛾愁不斂闌干落照重魂銷

朱令招作社獻

閒官得趁宰官行農務村村早辦耕燕子知時還記
舊社公台雨却成晴登壇飲福雖無稱割肉懷歸似
有情宿霧盡披山厯厯賣花人起欲天明

題李少保家傳

將軍忠憤世無雙
忍見狂童作假王
全蜀不移唐日月
四州重著漢衣裳
節旄凜凜風霜在
兄弟班班史傳香
若使中營星未殞
生擒頡利龍荒

秋晚

穫稻已空霜未落
秋風雖老雁猶遲
丹林黃葉斜陽外
絕勝春山暮雨時

小山卽事

一閑殊足樂
物入吾詩雨
過苔逾碧
風來竹屢欹
日長思睡急
磨出茶遲近
得邊頭信
今當六月師

遊禪寂寺訪隱居

官閑仍暇日乘興共尋芳
久雨山蹊潤新晴花氣香
春偏藏古寺水漸滿閒塘
忽有隱居者留人看海棠

以上江西詩微

贈戴石屏

生就石橋羅漢面吟成雪屋閬仙詩

石屏集卷六

張志道

嘉熙中求直言志道上封事言建儲遷都之事
宋亡閉門著書家貧衣食不給處之泰然著有
易傳等書

白石山

山似遊龍勢欲奔，山中有路透天閭。峯巒常帶烟霞

色，洞穴渾無斧鑿痕。

粵西詩載

黃

簡

鴈有

過沈尚書墓

履聲推早達，日燕自林泉。浮世若無死，貴人真是仙。
從容將八袞，掩忽便千年。墓上青松合，豐碑竟不鐫。

懷古

翠裹紅遮艷，粉圍春風夜。夜可曾歸，十年再撫章臺。

馬巷陌人家大半非。

詩苑衆芳

顏頤仲

厲有

作顏員嶠誤
以字爲名

和碧玉千峯詩

道在穹壤間如日照萬國
涓乾再中天斯文荷申錫
惟時朱夫子一柱擎天力
勉齋妙心傳月印寒潭碧
東野正始音絕唱未易續
昕庭萬言對珠璣燦盈掬
一麾壓南州寒谷回春燠
煌煌漳水珠照耀崑山玉
美哉巽齋守傑構捐金錢
橫經踞皋比冠劍來三千
賢侯揭新扁偉觀還當年
孰能踵公武名蓋東南天
經畚望有秋譬彼田舍翁
學道猶學醫百脉期疏通
立身尚名節峻峙千仞峯
勉哉蹈前修毋與流俗同

龍溪
縣志

柳德驥

嘉熙間福建德化主簿

九仙瀑布泉

白雲深處是仙鄉
石澗飛流瀑布長
天插一泉聲漱玉
地高六月夜凝霜
烟霞極目浮孤嶼
蘿薜牽衣出上方
明發陰晴誰借問
虛名終愧夢黃梁

湯嶺溫泉

化工何事起炎涼
偏使山中泉作湯
地氣熾熾燒石乳
水香鬱鬱噴流橫
喧波常湧無冬夏
熱溜長淅歷

雪霜聞道驪山有溫谷豈惟神女爲秦皇

端午泉

有個靈泉在翠微我來問訊水方肥盈虛嘿順陰陽
氣消長先知天地機金井祥開波有穀銀床冷迫石
生衣浮名不值一杯水滿酌罌瓶拂袖歸

己上見德化縣志

鄧德遇

號清湖新建人淳祐元年進士累官知昭州遷
廣西提刑知靖江軍元兵入廣城破自沈於清
流江宋史本傳作得遇字達夫邛州人登咸淳
進士

題袍詩

宋室忠臣鄧氏孝子不願偷生自甘溺死屈平公孖
是吾伴侶滔滔汨羅是吾處所

江西詩徵

焦炳炎

字濟甫宣州太平人寓居嘉興淳祐辛丑舉進
士探花爲諫官時宰主括田議遠近騷動炳炎
痛疏其害面奏累數千言上爲動容時宰語人
曰渠非攻田是攻我也尋除太常少卿辭去或
遺以詩曰事至諫官言不得身爲宰相有何榮
後以右文殿修撰致仕卒弟煥炎字晦用亦舉

進士英邁慷慨禦邊多顯效論奏時弊有兄之
風稱二焦云

去國示人

跡雖無地著心實有天知一禽從不獲不改範驅馳

橋李
詩繫

遊黃山

秀出雲霄一杖探諸峯高下護晴嵐丹成兔日香生
杵影見龍津月在潭洞暖有花因七七雲深無語住
三三粥魚敲動山林興合傍浮丘去結庵

黃山志

吳勢卿

字安道號雨岩建安人淳祐元年進士寶祐中
知處州景定三年入爲浙西轉運使贊成賈似
道行公田

詠后山鎮水月奇觀閣

厭逐京華輦路塵歸來傑閣敞虛明斜陽兩岸暮山
紫明月一天秋水橫芳草盡頭黃犢樂蘆花深處白
鷗聲是中不仗詩模寫一片丹青可得成

呈徐知院題意一堂

幾載辛勤有此堂芝峯直面麗譙傍千章山木朝烟
合百尺樓陰夜月涼物我本於仁上一居諸偏向靜

中長衰年燭武知何用空有憂時兩鬢霜

風月之樓落成

手揖雙峯俯霽虹近窺喬木欲相雄一溪流水一溪
月八面疎櫺八面風取用自然無盡藏高寒如在太
虛空落成恰值三秋半敢請吹開白兔宮

截江網

慶劉監丞

昨陪駿馬驟芳塵怪得梅花喜色新恰則祝堯開瑞
節居然生甫已今辰冰壺緩度壺天日翠玉交輝玉
樹人天下至榮公占盡綵衣皂蓋更青春

佩玉徐行勝急馳悠然滋味獨深知近當韓愈分符

處人羨買臣懷綬時已出六奇陪授鉞更藏一着要
觀棋經綸畢竟還精密大任非公更屬誰

截江網

歐陽守道

守道字公權初名巽字迂父吉州人淳祐元年
進士官終著作郎江文忠作白鷺洲書院曾致
守道爲諸生講說文文山劉須溪皆其門人著
有巽齋文集宋史有傳

釣雪歌

上天同雲兮雨雪其霏之子於釣兮在水之湄魚潛
于淵兮不可求思泌之洋洋兮可以樂饑

江西詩徵

吳必達

字材卿道州人淳祐元年進士第一授建康教
授擢奉議郎禮部架閣兼給事中借紫金魚袋
及第謝恩

聖朝更化廣搜賢丹陛遙瞻穆穆天
歷數萬年垂統正精微一理得心傳
輸忠敢罄劉蕡膽擢第應同李邵肩
四海尙期王德洽小臣稽首頌周篇

沅湘耆舊傳

徐霖

字景說江山人淳祐元年進士第一十二年以
宣教郎知撫州政舉化行去之日民遮道不得

行一作西安人

爛柯山

尙書勝跡留千載太守離思去十八難得地主真可
人載酒問字石須伐

西安縣志

劉仕龍

字時甫義烏人淳祐元年進士累官京西兵馬
都監以張薦召爲閩門舍人知復州廉州景
定元年知雷州元兵入死之衛王卽位以侍郎
李鏞奏贈侯爵諡武節見義烏志

知廉州條上邊事落職主管台州崇道觀賦

感

人生百年中窮通無定迹譬如風前花榮謝亦頃刻
當時牧牛豎尊貴誰與敵顛顛種瓜翁乃是封侯客
丈夫苟得時糞土成拱壁一朝恩寵衰黃金失顏色
古今諒皆然我今何歎息

宋詩紀事補遺卷之六十九

男內閣中書樹屏校

宋詩紀事補遺卷之七十

歸安陸心源伯剛父輯

陽枋

字正父小字宗驥原名昌朝四川巴縣人淳祐
辛丑進士調昌州酒正累官大甯理曹紹慶學
官封朝散大夫著有字溪集枋受業于度正爰
淵爲考亭再傳弟子

漚鼻峽

雙穴流清泉古來名有自至今存一息呼吸竅萬類
山以泉爲津石以穴爲鼻無形本諸天有質著乎地

和趙景賢使君入昌溪卽事

樂灘泉東
平巴峽

東出峽如筒北行溪似線晨發怯春寒午炊喜破曉
灘高石欹欹浪急珠璣濺平生憂患心對此倍兢戰
櫂夫捷如風舞篙接飛緯昔觀武陵圖今見武陵面
巖叢放金斤掛壁發葱蒨半天矗亂峯橫煙鎖寒練
猿鳥生意深詩筆寫豪健先生巖壑姿對此聊自厭
險極復推奇一覽嗟未遍老眼仰貪看花生渾欲焰
人喚不回頭決背強自勉造化藏秘奇人生能幾見
夙昔困塵埃比來得清玩異境延高吟勝覽愜幽念
直疑紫霧深秘隱豐城劍便欲於此中遯世真無悶

朝餐色盪鬢莫遊光漱澗還恐利名牽回首成健羨

輓鄭廣安

壯節從丁卯奇功歲轉新有征皆鼓勇無戰不塵塵
棠國香凝月榆關夢熟春吁嗟河北地今日尙終臣

壽韓司理

不因春酒駐紅顏都是心清事弗闕草爲囿空隨意
綠花綠客少笑人閒幽情倚棹暫隨水爽氣拄頤常
看山共指武陵槃澗地桃花深處屋三間

赴大甯司理贄俞帥

見說三關息虎貔風高白帝卷旌旗擎天砥柱瞿唐

險保蜀規模陣石奇誓出祁山禽仲達肯屯漢口學
姜維枕戈心事聞鷄起未必閒眠聽竹枝

字溪集

陳武子

字日文長樂人

三山志

淳祐元年特奏名

垂虹亭

行樂江亭上情彌天壤間舟譏王訪雪妓鄙謝登山
佳致輸公擅清歡愧爾慳賓僚倍宴笑興盡莫輕還

吳都文粹續集

謝達

字叔達福建昭武人淳祐元年知靜江府

淳祐甲辰三月中泚奉詔經略同客張景東
馮雲從男公闌公間遊乳洞紀事

尋幽天氣得晴酣小小籃輿勝繡鞍洞以乳名雲液
湧泉紆石出水晶寒山容染翠開油幕竹韻鳴竽立
玉竿孰謂地靈鍾秀異美哉風物見興安

廣西通志
山川略

江湘

新昌人淳祐初知上高縣博學能文練達治體
始至卽上請蠲積逋六萬餘緡民困以蘇庚子
春水荒發倉平糶又贍學有田無告有養葺廨
宇創傑閣新浮梁陂堰廣灌溉因所利而利民

者不可勝書

贈李崇義應童子科長歌

用杜牧之春日示姪韻

通經應童科詩書尤所長生兒有如此族黨真有光
五車舉舌端觀者遠迴廊嶄然露頭角志氣何堅剛
七歲古所難一目書五行毋乃天帝孫爲織雲錦裳
自覺我形穢明珠在我傍麟經究終始猿臂射藝場
覆誦公堂上岢維十月陽同僚發嗟嘆喜子同舉觴
我非韓昌黎墜緒尋茫茫猶擬作二序如送童子張
讀書宜閉門不迎亦不將六經漱芳潤閭然名日彰
上書願鬻漢負鼎期干湯幼學欲壯行少年非所當

細字綴語言漏聲夜未央短檠提案前簾幙風露堂
博洽精經史縱橫驚皇王逢源欲深造不息思自強
上必希賢聖下期爲雋良昔乎昔不再夜氣毋皓亡
緬想唐宗室姓名今馨香長吉非凡流勁詞摩穹蒼
錦囊搜佳句詩體轆齊梁長源有仙骨頰笑餘子忙
鳴珂乃言志甯忍駒服箱卓哉二君子馳聲翰墨場
願子勉未至多岐戒亡羊舉動思古人遠到胡可量
召見金鑾殿承恩七寶牀假直秘書閣編覽萬卷藏
此是君家事射策宜爲郎萬人吾往矣所向俱披猖
蝨蟻戒緣高失手千丈強散仙戒追陪埃壒驚動勳

顧我理亦同強顏補千瘡催科政何拙勸民務農桑
戴星塵出入艱險身備嘗未尋三徑盟徒積九迴腸
爲米耻折腰卜居築林塘我賦歸去來觀子鵬路翔
更盡一杯酒富貴無相忘

上高縣志

何萬選

字子淵長沙人淳祐二年知江西龍泉縣清廉
惠民修大豐陂以興水利見吉安府志

創建魁星閣

雲屯奎壁作靈神傑構凌霄景運新乍向魚洲排雁
塔更看虎阜躍龍津山林風俗如鄒魯翰苑文章邁

漢秦此後鰲頭誇遂水應知魁閣瑞光頻

龍泉縣志

鄭覺民

淳祐三年承直郎鎮江總領所幹辦公事見至

順鎮江志

遊虎邱

邱壑癖所耽從遊虎踞巖山形藏古寺泉脈湧幽潭
遠望悲陳迹清禪任閉菴繇來賢達士捷徑鄙終南
虎邱

志

魏汝賢

吳江人淳祐四年特奏狀元

寄題四明張氏南園

修篁曲折繞牆東風景朝川孰與同
過雨涼生千樹外亂山青入一樓中
高人爾日聯吟社逐客當年作寓公
別後新詩又多少雙魚應許寄郵筒

見松陵詩徵前編

魯仕能

字時舉平江人淳祐四年甲辰進士從饒雙峰
學自號寶潭官監利令歸與同時齒德會于鳳
棲鄉之道巖

題道巖

萬劫灰中存世界千層浪裏惜儒珍

沅湘耆舊傳

張顯

顯字立道德與人與程端蒙董盤澗講程朱之
學淳祐四年進士授武義尉理宗詔舉孝廉留
守建康以馬光祖薦入史館修三朝實錄有雙
澗文集三朝實錄

軍山

亂石如羣羊合沓千里奔軍山屹當前盤踞作虎蹲
巨鎮壓坤維層巔白雲屯下瞰大溪流三尺清不渾
舟人落風帆繫纜前山根我欲摘星斗懸崖那可捫

江西
詩徵

陳宗禮

字立之建昌人

一作南豐人

淳祐四年進士官至端

殿學士叅知政事宋史有傳

虞帝廟

南國薰風入帝歌至今遺廟只嵯峨
一天曉色懷明哲四野春光想太和
存古尙瞻虞袞冕撫時幾換禹
山河海濱樂可忘天下解寫靈明是老軻

山行

川原綠已張春去今何在深樹涵幽姿
微雲弄晴態禽聲互酬應林霏間明晦
漸遠人迹稀清音自虛籟

晚出

落日山氣清，歸禽噪林杪。
意行忘遠近，吟袖深烟表。
灑灑水縈田，幽幽雲返嶠。
忽聞鄰寺鐘，沿途發長嘯。

紫霄觀

平陂復峻坂，曲折勞攀躋。
中道忽孤絕，恍然遇安期。
授以度世術，呼吸隨風飛。
長跪受隱文，三復歎且疑。
變化豈不神，勾譎莫予期。
回轡指故山，從此問所歸。

以上江
西詩徵

遊澹山巖

永州澹巖天下稀，山靈妙斷涪翁知。
蹲踞翔鳳獻穎

異中有仙佛來娛嬉我生骨相口冰雪心境相口口
懌悅緣輕自笑來已遲猶見巖前古時月

湖南通志
金石略

句

山川半爲蠻烟累人物多因謫籍香

隱居通議吳丞相潛爲賈師憲所嫉貶循
州公行部至循與吳賡和有曰云云虞處
許其詩師憲怒鐫
其官責居永州

應節嚴

字和父平陽人居西關幼習九經七歲中童科
淳祐四年甲辰登武科庚戌改文科歷書庫學
錄司農丞淮西提刑兩浙運判刑部侍郎權吏

部寶謨閣待制中奉大夫在六館時巨璫黷政
節嚴與同學九人疏其罪不報同時去國海內
高之著有平陂集

雁蕩歸興

倚雲絕巖極躋攀力倦何能跨鶴還回首乘鸞千尺
上舉頭踞虎萬尋間石壇勝地留仙住玉府浮雲伴
客間秀水名山觀不盡放吟騷客興何慳

何子舉

號寬居永康人淳祐七年進士官樞密都承旨
知贛州謚文直

高村夜月

緩步高村納晚涼徘徊更覺景難忘
一輪月照碧梧影萬壑風飄丹桂香
蘇子何須遊赤壁羣仙正好泛瓊觴
洞簫吹徹東方白玉兔還留不夜光

永康縣志

謝章

江西建昌人淳祐七年進士

武夷

鶯花婉婉天晴空落紅雨千里賦遠遊
山水無重數武夷甲天下清絕多奇趣
名峯三十六一一拱天柱隔岸分西東
回首時一顧孤峯自特立不肯相朋附

溪流走其下縈紆溢清泚荒烟鎖寒碧晴嵐滴空翠
曲曲深復深行行止且止時聞欵乃歌恍入桃源路
山禽相應答嶺雲自吞吐此境非人寰蔚爲神仙所
我欲深窮源白鷗沒星渚

武夷山志

陳應斗

閩清人淳祐七年進士景定間潮州通判

藥市

肘後應難一一傳多將靈藥種仙山仙禽鵲就仙翁
賣挑杖懸壺走世間

羅浮山志

方澄孫

字蒙中莆田人淳祐七年進士教授邵武軍景
定間知邵武官至祕書丞

熙春山

山占樵城最上頭眼前歷歷記曾遊古來不少二千
石海內今誰第一流小隊未妨需隙暇大書已覺振
巖幽於今幸際豐登日滿泛松觥賸句酬邵武府志

袁似道

字子淵一字靜寄鄞縣人韶子以父蔭補承務
郎監無爲縣襄安鎮淳祐七年通判嘉興府累
官知襄州以賈似道同名退作南園聚書數萬

卷圖畫鼎彝鑒裁得源委寶祐五年卒

贈令狐使君

繡節移華星下照鴛湖濶飛梯駕秋旻傑觀壓雲堞
銖積日用間經營妙無跡圖畫劃天開景物巉地絕
簡靜還樂邦登覽追逸轍彩舫回波心芳樽浮月夕
清吟開酣飲長嘯雜橫笛新詩紀遊情口酒驚醉魄
傳看大軸盈準凝堅珉刻口口望其成抑以觀稼穡

嘉禾志

章孝參

字魯士古田人淳祐七年進士官德慶教授

題彌勒院

橋通流水綠溶溶殿閣穹然鎮象龍半壁石橋通雪
竇一龕麗室占雷峰挂巖屋似六和塔入路門如九
里松遙想空庭明月夜浮屠桂樹影重重

福州府志

李澤民

淳祐八年以宣教郎知甯德縣政平訟簡

東湖

四圍圖畫簇鮮妍爲托湖天涯衆川蟻運筭泥千嶂
滿虹牽隄勢兩山連旌旗耀日鼓輦壯冠蓋如雲羅
綺鮮才謗冒然興大役幸而集事謝羣賢

福甯府志

虞廷

會稽人其先爲仁壽人允文曾孫剛簡之子汲
之父淳祐八年以通直郎通判建康府寶祐元
年知永州累官知連州以文學知名

廷假守二水秋丁釋奠宿齋靖惟湖□□學自
周元公倡之五峯南軒繼之遠有端緒因記先
君舊賦和韻述懷錄呈別駕并柬僚友

正學昭昭貴力行湖湘一派到于今好翻愚島詞鋒
手密察濂溪理窟心二水秋清嚴奠禮九經雲□想
韶音詠歸也覺西風好須信詩□在泮林

湖南通志
金石略

寶唐秋半十四夕浮雲破處月華倍明間中得
此涼天佳景其視紛紛夸奪而履危機者何如
哉賦五十六言卽事敬呈詔使戶部大監兼東
諸親友

□□□□未滿看虛庭小飲勝憑闌浮雲盡捲堂堂
見清影將圓處處歡一點神光千里在三秋佳景四
并難人生幾度逢今夕更覺間中天地寬

書畫
集攷

曾宋珍

新安人淳祐九年己酉賦舉登咸淳十年甲戌
王龍澤榜第二甲仕至迪功郎□□□□縣尉

雲溪寺

溪水年年自淺深□□□□□時陰溪山好處劃開

□□水□□□□□

男許
寬逸

新安縣志雲溪寺在縣西四十里歸
德場參里山之麓今改爲萬壽寺

此詩載康熙廿七年靳文謨所纂縣志字
多湮滅至近日新修之志則並其詩削去
矣當覓舊
本補之

周應合

應合字彌厚號洪厓處士又號溪園先生武甯
人淳祐十年進士爲實錄院修撰景定間奉勅
撰建康志拜御史劾賈似道謫饒州復擢集賢

院學士未赴而卒有洪厓溪園二集

望江樓

澄江如練正高秋一笛吹秋上此樓有客乘風來縱

酒長歌遠送下灘舟

江西詩徵

歐陽麟

曲江人淳祐十年進士

狀元峯

一峯高聳上參天地勢鍾靈出狀元雪霽乍疑抽紫

荀雲開忽見吐青蓮平明遠捧金烏小薄暮高擎玉

兔圓獨羨唐家賢父子芳名留得後人傳

宋詩拾遺

蔣一凱

開化人淳祐十年進士方逢辰誌墓稱其忠清
真密

思歸寄余玠

病覺金耆重君恩報已辜髮從秋後落花向雨中疎
詩禮堪誰倚山川賴有圖百年心裏事漁釣老江湖

開化
縣志

賀德英

湘鄉人七歲能文父以訟繫獄乃詣縣自乞廷
試以贖父罪令各出經義詩賦一題援筆立就

淳祐十年庚戌神童科廷試第一年十四卒

聖小兒

英秀鍾河岳生來號聖兒雖云年尙小不待學而知
博古通今識超羣邁秀姿浩然食牛氣非若聚魚嬉
祖瑩耽書日甘羅入相時看看頭角長身到鳳皇池
賦雪

誰翦銀河水飛花出漢羅月明人競往踏破水晶街
題縣廳壁

昆明池裡躍金鱗怒日揚鬚不露身想是龍門曾點
額至今羞見釣鰲人

沅湘耆
舊傳

趙以廩

開封人淳祐十年庚戌知涪州

觀石魚

預喜金穰驗石鱗口能免俗且怡神曉行鯨背占前
夢瑞紀龜陵知幾春拂石已無題字處觀魚皆是願
豐人片雲不爲催詩黑欲雨知予志在民

石刻

張鎮

字重甫三山人淳祐壬子進士宗學博士秘書

丞擢考功郎中知興化軍

中興館
開續錄

遊鼓山

籠翎圈裏著禪關頂有奇峯磴可攀上下乾坤大千
界東西陸海兩三山臨滄霧向風前解喝水泉因雨
後潺一宿迷歸山莫晒小窗經日對孱顏

福建通志古蹟

黃

磴厲有

遊石橋

橫石圓峰豈偶然上懸雙瀑下澄淵我來不爲橋難
過待了區中未盡緣

人道靈瓜有護持蜿蜒果見着青枝一時耳目窮何
盡萬事由來不可知

天台別編

陳昌言

海陽人淳祐中進士仕由宣教郎至制僉

鄴都

山勢崔嵬望太行星輶迢遞過臨漳華林園廢花爭
發銅雀臺空草自芳何必三分誇霸業獨憐千古擅
文章生逢亂世終非幸疑冢累累挂夕陽

粵詩
蒐逸

鍾季玉

初名誠字季玉後以字行改字之純樂平人淳
祐七年進士知萬載縣以李廷芝薦累遷樞密
院編修出知建昌軍改江西轉運判官後改都
大提點坑冶北兵渡江徙寓建陽死之

贈南城游海彭元珍二老人詩

大老如游更老彭，迎來公宇共稱觥。
八九十翁同勝會，一千餘歲集耆英。
問年齊說生乾道，有日重新見太平。
燕毛序齒關風化，觀感油然而孝敬。
生樂平縣志

劉元高

字仲山，江西高安人。父應龍，宋史有傳。元方長身玉立，每與姚勉、胡仲雲論天下慷慨激烈時，號高安三俊。登淳祐進士，初授迪功郎、柳縣簿，斷事如破竹。當道爭致之幕下，以薦除知甯都。改侯官縣，多豪貴一繩以法，以薦爲御史卒。著

有山居稿

江西人物志

秦淮

橫鑿南山貫北津安知豐沛有真人六朝不得中原

土猶使英雄欲過秦

景定建康志

冶城樓

俯仰明知盡可悲西風還此立多時偶然喚醒東山

客便有淮淝一局碁

同上

孫杓

江陰人涪祐進士

秋興亭

前有長江後有湖天將此景屬吾徒當時想未見秋
興漫說南樓天下無

續輯漢陽縣志

朱景行

字伯仰眉山人淳祐進士

榴皮題壁

白酒延賓出自如收書養性務三餘山人醉吐驚人

句却向東庵素壁書

東林山志

余季芳

季芳字子初號桃谷德興人事母至孝淳祐間
進士登第後陳請歸養特授九江府司法有桃

谷詩藁

平園

柳暗花明自一春
青山繚繞水如襟
偶然覓得桃源路
便欲分棲竹屋陰
清晝平原尋小隱
夕陽歸路入閒吟
遲遲風袂烟堤上
遙望環溪鴨綠深

江西詩徵

張衡

汴人淳祐進士

題東老庵

東老遺風且百年
鄉評猶嘆子孫賢
金丹數滿三千行
玉笈名留十八仙
座上杯盤由好客
鼎中餽粥且

隨緣相逢成恨匆匆去絕勝空回訪戴船

東林山志

蕭桂林

廬陵人涪祐中廣西運判

還珠洞次曾宏正韻

標柱征南不記春未應追感淚流痕巖虛生白灰心
地波洑澄清肅耳根壯士於斯留顯跡大夫非此賦
招魂江山今古人何在戰馬嘶風憶故園

癸水亭

□□□古碑□□□行讖履巖俯馮夷坐石存精禔
拂劍逼珠光乘槎掉何枋風清明月懷雲隱高山興

金石
續編

劉燧叔

字用齋莆田人文肅公渠子累知邵武軍邵武
縣差監審計院官大理寺丞淳祐中知連州官
至朝奉大夫見陳宓復齋集廣東通志

淳祐壬寅中秋後攜家重遊大雲洞因紀于石
試攜杖屨作山行一夜秋風桂子生犀曳于章稠黛
綠鵝兼萬點簇雲英長哦賓客珠璣句敬仰濂溪日
月名我亦黃塵吹鬢者頻來心跡覺雙清

廣東通志
金石略

王奕

字子陵仙居人研貫賅博杜門著書不求聞達
淳祐間有旨下州索所著書太守趙汝騰爲繕
進且荐之朝奕竟不應所著有六經語孟說中
庸本義周禮答問成周大事譜西漢通志補正
漢天文志釋地理志復漢錄武侯遺事多識錄

春暉亭爲樸川子賦

昔人念親心何如喻彼百艸蒙春暉一川含綠艸方
長滿地落紅春已歸艸欲報春春欲改子欲養親親
不待嗟哉物爾人亦然對艸無言淚如海陽春有脚
還復來今年花謝明年開慈親一去不復見畫圖空

寫春風面棹川有子思報親結茅竹亭留白雲親恩
難酬春易度獨倚闌干怨春暮寄言孝子須惜時流
光暗促親顏移春盤薦脆須及早莫待酒澆墳上草
温州府志

寶香縣

山如螺髻塔如簪三面江環一徑深曉霧拂巖凝蜃
氣夜潮歸壑聽龍吟戀涼人坐臨流石帶暝禽投隔
岸林獨憾寶香名未稱只應喚作小江心

瑞安縣志

觀潮閣

南岸客來過北岸浙山盡處見閩山清秋井邑棋枰

裏落日汀洲畫軸間

瑞安縣志

羅一龍

淳祐間知信豐縣

挽故知容州朝請陶公五首

古貌如公更古心宦情終淺道情深區區飽煖何曾
計一字廉稱值萬金

幙府當年譽四馳諸公每恨識之遲長材若肯爲時
用世上何官不可爲

盡說休官靖節賢幾人眞箇隱林泉如今却有雲仍
在牢在平塘十五年

剖竹公符墨未乾先生雅意只青山
瀟然紙帳梅花夢不到清香畫戟間

平生心事辱相知
竚竚逢人說項斯
可恨襄陽失龐老
朔風吹淚送靈輶

見平塘集

羅一鶚

進賢人淳祐間贛縣主簿

挽故知容州朝請陶公三首

月旦爭推重邦人得範模
官資雖刺史氣味一寒儒
簡淡根真性清廉律薄夫
不知書卓行曾入史編無
世亦多眞士當於晚節看
急流能勇退袖手但旁觀

凡卉隨春盡孤標耐歲寒始終全所守此事古來難
昔曾親誨色霜凜更春溫貌古心尤古年尊德亦尊
頓驚生死隔奈有典型存愁絕飛丹旆憑誰爲返魂
見平塘集

顏得遇

字達峯淳祐中英州推官

招撫峒獠歌

宋淳祐五年歲乙巳月甲申日庚戌英郡太守
帑院壺山顧先生檄攝征廬陵蕭宗遠招
撫峒獠卽期來款駢首心飯斯甚盛事且俾

攝郡博士仙游謝升賢暨聯采有醴饴勞之
福星館飲徹糾曹達峯顏得遇書勒南山載
以歌

率土王民樂陶陶犬戎亦民今婆婆適正人天依中
和日月不老朝山河

韶志淳祐間無顧守惟顧孺履淳熙十一年任
英州守按李文溪碧落洞題名與顧同遊在淳
祐六年正與此合其題名曰莆田亦與此刻壺
山相合此顧守當是孺履且有撫定峒獠之功
尤不可使後人不知其名而志皆闕焉是可恨

也第據此則志中洵熙當有訛字又不應載在
嘉定周守之前然慶元間之余守乃載在熙寧
之前何足深辨乎

廣東通志
金石畧

曾宏正

臨江人父三聘宋史有傳宏正洵祐中累官直
祕閣湖南提刑廣西轉運判官調廣西運使

留題浯溪

開元初政□精明歲□□□牝晨明□若虎自□
□馬嵬□襪□戰塵幸哉有子繫民志宗祐將傾猶
未□當時監國若□避大物一歸安其□較輕量重

法受惡父子至情休責備南內淒涼葉落時尚勝公
侯出關市□□□寫皆瓌詞□□一頌而以規我來
解嘲千載後□起九京其評之

湖南通志
金石畧

淳祐癸卯游臨桂元巖

老仙乘白龍飛入白雲鄉岩前刻舟痕遊子常彷徨
清商韻風松疑有笙鶴翔我欲往從之居然塵鞅疆
酒闌下山去回首空慨慷

廣西通志
山川畧

游臨桂隱山

足倦尙躋攀南來第一山撐空列峯翠□闕獻孱顏
莫作炎州看渾疑鴈蕩間輸它癡衲子終老白雲關

還珠洞次孚若韻

樓指重來二十春
繫船猶記舊篙痕
飛鴻踏雪空留跡
隨水浮萍那有根
摸索交游半爲鬼
尋思往事黯消魂
天涯老泪空橫睫
只欲歸歟事灌園

題癸水亭

危亭倚巖隈
嘉名叶地讖
時浮桂籍香
永絕戈甲祲
敗柳晨烟絲
枯荷立霜枋
呼童理吳榜
月夕欲乘興
金石續編

宋詩紀事補遺卷之七十

男內閣中書樹屏校